

eam adhibentibus salus mentis et corporis, et ubicumque fuerit applicata, tollatur omnis immunditia, et cesseret omnis impugnatio spiritalis nequitiae. Per Christum Dominum nostrum. R. Amen.

Aspergat aqua benedicta.

TITULUS VI.

DE BENEDICTIONIBUS RATIONABILIBUS IN DUO CAPITA DISTRIBUTIS.

CAPUT PRIMUM.

Quæ continentur in hoc primo capite fieri possunt à simplici Sacerdote.

BENEDICTIO INFANTIS.

(Ex Collect. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Christe, qui parvulos tibi oblatos, et ad te venientes amplexabar (hic ponat manus super caput infantis) manusque super illos imponens benedicbas atque dicebas: sinite parvulos venire ad me,

et nolite prohibere illos, talium est enim Regnum cœlorum, et Angeli eorum semper vident faciem Patris mei: respice, quæsumus ad infantium præsentium, vel infantis præsentis innocentiam, et ad suorum parentum devotionem, et clementer eos per ministerium meum bene ✕ dic, ut in tua gratia, et in tua misericordia semper proficiant, te sapiant, te diligent, te timant, mandata tua et parentum custodiant, et ad finem optatum feliciter perveniant, per te, Jesu-Christe Salvator mundi, qui vivis et regnas Deus. Amen.

Benedictio Dei omnipotentis Pa ✕ tris et Filii, et Spiritus Sancti descendat super vos, et custodiat, et dirigat vos, et maneat semper vobiscum. R. Amen.

Aspergantur aqua benedicta.

BENEDICTIO PUERORUM ET PUELLARUM.

(Ex Col. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Quæsumus, omnipotens Deus, pueris istis, pro quibus tuam deprecamur clementiam, bene ✕ dicere dignare, et per virtutem Sancti Spiritus corda eorum corroborare, vitam sanctifica, castimoniam decora, et sensus eorum in bonis operibus munitos informa: prospera tribue, pacem concede, salutem confer, charita-

tem largire, et ab omnibus diabolicis, atque humanis
insidiis tua protectione, et virtute, semper defende,
et in finem ad requiem Paradisi eos perduc. Per Do-
minum nostrum, etc.

OREMUS.

Domine Jesu-Christe, qui parvulos, etc., *ut supra*
pag. 160 in bened. infantis.

BENEDICTIO HABITUS AD INDUENDUM PUEBUM SIVE PUELLAM
PRO DEVOTIONE SEU VOTO.

(Ex Rit. Vicen. Tarr. Barc. Urg. et Gerund.).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Domine Jesu-Christe, qui pro nostra salute susci-
piens humanam naturam, te vestimento carnis indu-
re dignatus es: benedictione tua sancta, bene ✠ dic
vestimenta ista, quæ pro gratis tibi exolvendis omni-
cum devotione, sanctoque voto, ac veneratione S. N.
(nominet Sanctum, vel Sanctam in cuius devotione ha-
bitus est suscipiendus) iste vel ista, suscepturus est: in
eum vel eam, quæsumus, tuam sanctam bene ✠ dic-
tionem; ut cum primum induerit hoc pietatis vesti-
mentum, intercedente Sancto, vel Sancta N., descendat
super eum, vel eam gratia tua, quæ protegat illum,

vel illam ab omni malo animæ et corporis. Qui vi-
vis et regnas Deus, per omnia sæcula sæculorum.
¶. Amen.

*Aspergantur puer seu puella et habitus aqua bene-
dicta.*

BENEDICTIO AD EXUENDUM PUEBUM, SEU PUELLAM, CUM
PORTAVERIT HABITUM PRO DEVOTIONE SEU VOTO.

(Ex Rit. Vicen. Tarr. Barc. Urg. et Gerund.).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Domine Sancte, Pater omnipotens, æterne Deus, à
quo descendit omne bonum, et omne donum, tibi gra-
tias referimus, et expleta vota reddimus, suscipe vota
nostra cum actionibus gratiarum; et intercedente Bea-
tissima Virgine Maria, Sanctoque, vel Sancta N., huic
de cetero præsta salutem mentis et corporis: ut te Crea-
torem recta fide colat, in te Redemptorem spem suam
confirmet, teque summum bonum super omnia diligit,
atque sanctis mandatis tuis semper obediatur. Per Chris-
tum Dominum nostrum. ¶. Amen.

Aspergat aqua benedicta, et potest dici:

Benedictio Dei omnipotentis Pa ✠ tris, et Filii, et
Spiritus Sancti descendat super te, et maneat semper.
¶. Amen.

BENEDICTIO CHLAMYDIS.

(Ex Addit. Miss. Rom.).

- ¶. Adjutorium nostrum in nomine Domini.
R. Qui fecit cælum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum. R. Et cum spiritu tuo.

OREMUS.

Deus qui vestimentum singulare ad indumentum aeternæ jucunditatis, tuis fidelibus promisisti: clementiam tuam suppliciter exoramus; ut hoc indumentum humilitatem cordis, et mundi contemptum significans, quo famulus tuus, *vel* famula tua in sancto et firme proposito vestiri desiderat, propitius bene ✕ dicas: et castitatis habitum, quem te inspirante suscepit, te protegente custodiat: ut quem *vel* quam sacræ religionis veste induis temporaliter, beata facias immortalitate vestiri. Per Christum Dominum nostrum. R. Amen.

Deinde aspergat indumentum, et qui induendus est, aqua benedicta, et cum induerit, dicit Antiphonam:

Immittat in te Dominus sanctum religionis amorem, sanctoque fervore succendaris, et ardeas cœlestium honorum desiderio.

Deinde postquam fuerit indutus, dicat Orationem:

OREMUS.

Domine Jesu-Christe, qui pro nostra salute suscipiens humanam naturam, te vestimento carnis indu-

re dignatus es: benedictione sancta tua bene ✕ dic istum, *vel* istam, famulum tuum, *vel* famulam tuam qui, *vel* quæ cum omni devotione ac veneracione beati Patris nostri N. hoc indumentum super se suscepit: infunde in eum, *vel* in eam quæsumus tuam sanctam bene ✕ dictionem, ut intercedente sanctissimo N. descendat super eum, *vel* eam gratia tua, et protegat eum *vel* eam, ab omni malo mentis et corporis. Qui vivis et regnas, etc.

BENEDICTIO CORRIGIÆ VEL CHORDÆ.

(Ex Addit. Miss. Roman.).

- ¶. Adjutorium nostrum in nomine Domini.
R. Qui fecit cælum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum.
R. Et cum spiritu tuo.

OREMUS.

Omnipotens, sempiterne et misericors Deus, qui pietatis misericordiam, peccatoribus quærentibus veniam et misericordiam, tribuisti: oramus immensam clementiam tuam, ut hanc corrigiam, *vel* chordam bene ✕ dicere, et sancti ✕ sicutare digneris; ut qui-cumque, *vel* quæcumque pro peccatis suis cincti, *vel* cinctæ fuerint, et misericordiam tuam imploraverint, veniam et indulgentiam tuæ sanctæ misericordiæ consequantur. Per Dominum, etc.

Et aspergat eam aqua benedicta.

Cum autem cingitur corrigia vel chorda, dicat :
Accipe corrigiam vel chordam super lumbos tuos,
ut sint lumbi tui præcincti in signum castitatis, et tem-
perantiae. In nomine Pa~~X~~tris, et Fi~~X~~lii, et Spir-i
tus~~X~~ Sancti. R. Amen.

OREMUS.

Domine Jesu-Christe, lux vera de vero lumine,
 quæsumus clementiam tuam, ut per intercessionem
 beati Patris nostri N. Confessoris tui, mentem et cor
 hujus famuli tui, *vel* famulæ tuae illumines; ut tibi
 casto corpore famuletur, et corde mundissimo jugiter
 placeat: Qui vivis, etc.

BENEDICTIO VELI.

(Ex Addit. Miss. Rom.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- R. Et cum spiritu tuo.

OREMUS.

Bene~~X~~ dic, quæsumus omnipotens Deus, velamen
 istud famulæ tuae capiti imponendum, ut in ea be-
 ne~~X~~ dictio tuae benicitatis descendat: ut sit in ea
 sanitas, sanctitas, castitas, virtus, victoria, sancti-
 monia, humilitas, bonitas, et mansuetudo, legis ple-
 nitudo, et obedientia Dei: et Patris, et Filii, et Spi-

ritus Sancti adsit semper bene~~X~~ dictio. Per Christum
 Dominum nostrum. R. Amen.

Postea asperget aqua benedicta, et imponat illud in
capite dicens :

Accipe velum super caput tuum in signum obedien-
 tie, munditiae et puritatis: In nomine Pa~~X~~tris, et
 Fi~~X~~lii, et Spiritus~~X~~ Sancti. Amen. *Deinde :*

- ¶. Emitte Spiritum tuum, et creabuntur.
- R. Et renovabis faciem terræ.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Deus, qui corda fidelium Sancti Spiritus illustra-
 tione docuisti: da famulæ tuae in eodem spiritu recta
 sapere, et de ejus semper consolatione gaudere. Per
 Dominum, in unitate ejusdem Spiritus. R. Amen.

BENEDICTIO VESTIUM ET CINGULI, QUÆ DEFERUNTUR IN
HONOREM B. MARIE VIRG.

(Ex Rit. Cler. Reg. Scholarum Piarum).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Bene~~X~~ dic, Domine, vestem istam, et cingulum

istud in honorem, et sub protectione Beatissimæ Virginis Mariæ sumenda: et præsta per invocationem sancti tui nominis, ut qui ea induerit, corporis sanitatem, et animæ tutelam percipiat. Per Christum, etc.

Aspergantur aqua benedicta.

BENEDICTIO CILICII.

(Ex Col. P. Sannig.).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Omnipotens, et misericors Deus, qui corporibus pœnitentibus hoc indumentum imposuisti, et per illud misericordiam, et veniam tribuisti, oramus clementiam tuam, ut indumentum hoc, quod vocatur cilicium, bene ✠ dicere, et sancti ✠ ficare digneris, ut quicumque eo pro peccatis indutus fuerit, et nimiam tuam imploraverit veniam, indulgentiam tuæ sanctæ misericordiae consequatur. Per Dominum nostrum, etc.

Aspergatur aqua benedicta.

BENEDICTIO MULIERIS STERILIS PRO LIBERIS IMPETRANDIS.

(Ex Rit. Vicen. Tarr. Bare. et Urg.).

- ¶. Adjutorium nostrum in nomine Domini.
- ¶. Qui fecit cœlum et terram.
- Antiphona.* Benedicat tibi Dominus ex Sion.

PSALMUS CXXVII.

Beati omnes qui timent Dominum: * qui ambulant in viis ejus.

Labores manuum tuarum quia manducabis: * beatus es, et bene tibi erit.

Uxor tua sicut vitis abundans: * in lateribus domus tuæ.

Filii tui sicut novellæ olivarum: * in circuitu mensæ tuæ.

Ecce sic benedicetur homo: * qui timet Dominum.

Benedicat tibi Dominus ex Sion: * et videoas bona Jerusalem omnibus diebus vitæ tuæ.

Et videoas filios filiorum tuorum: * pacem super Israel.

Gloria Patri, et Filio, et Spiritui Sancto, etc.

Antiph. Benedicat tibi Dominus ex Sion, et videoas filios filiorum tuorum usque in tertiam et quartam generationem.

Kyrie eleison. Christe eleison. Kyrie eleison. Pater noster. Ave Maria. Credo in, etc.

¶. Salvam fac ancillam tuam Domine.

¶. Deus meus sperantem in te.

¶. Sint filii tui sicut novellæ olivarum.

¶. In circuitu mensæ tuæ.

¶. Domine, exaudi orationem meam.

¶. Et clamor meus ad te veniat.

¶. Dominus vobiscum.

¶. Et cum spiritu tuo.

OREMUS.

Deus, qui emortuam vulvam Saræ, ita per Abrahæ semen fœcundare dignatus es, ut ei contra spem sobolis, filius nasceretur, præsta famulæ tuæ N. pro sua sterilitate deprecanti, ut mœrorem infœcunditatis, ab ea submoveas; et ad concipiendam sobolem ei fœcunditatem tribuas, et filium quem donaveris clementer benedicas. Per Christum Dominum nostrum. **R.** Amen.

OREMUS.

Majestatis tuæ clementiam, Deus Pater omnipotens suppliciter exoramus: ut preces nostras pro sterilitate famulæ tuæ N. benignus assumas, et ei prolem tibi, et hominibus gratiosam concedere digneris. Per Christum Dominum nostrum. **R.** Amen.

Et aspergat mulierem aqua benedicta.

BENEDICTIO MULIERIS PRÆGNANTIS, ET FŒTUS
DE CUJUS PERICULO DUBITATUR.

(Ex Rit. Tarr. et Urg.).

- ¶.** Adjutorium nostrum in nomine Domini.
- R.** Qui fecit cœlum et terram.
- ¶.** Salvam fac ancillam tuam Domine.
- R.** Deus meus sperantem in te.
- ¶.** Esto ei Domine turris fortitudinis.
- R.** A facie inimici.
- ¶.** Nihil proficiat inimicus in ea.
- R.** Et filius iniquitatis non apponat nocere ei.
- ¶.** Mitte ei Domine auxilium de Sancto.

R. Et de Sion tuere eam.

¶. Domine, exaudi orationem meam.

R. Et clamor meus ad te veniat.

¶. Dominus vobiscum. **R.** Et cum spiritu tuo.

OREMUS.

Omnipotens sempiterne Deus, qui dedisti famulis tuis in confessione veræ fidei, æternæ Trinitatis gloriam agnoscere, et in potentia Majestatis adorare unitatem; quæsumus, ut ejusdem fidei firmitate ab omnibus semper muniamur adversis. Per Christum Dominum nostrum. **R.** Amen.

OREMUS.

Domine Deus, omnium Creator, fortis et terribilis, justus atque misericors, qui solus bonus et pius es, solus præstans, omnipotens et æternus: qui liberasti Israel de manu Pharaonis, et munere Spiritus Sancti Joannem Baptistam sanctificasti antequam ex utero nasceretur: accipe sacrificium cordis contriti, ac fervens desiderium famulæ tuæ N. humiliter supplicantis pro conservatione prolis debilis, quam dedisti ei concipere, et custodi eam, atque sanctifica immensa benedictione tuæ gratiæ, et defende ab omni dolo, et injuria diri hostis, neenon à quibuslibet adversitatibus crudelibus, et iniquis: ut ad lucem præsentis vitæ jucundissima obstetricante manu tua, veniat incolumis, tibique in omnibus jugiter deserviat, et vitam consequi sempiternam finaliter mereatur. Per Christum Dominum nostrum. **R.** Amen.

Et aspergat mulierem aqua benedicta, et dicat :

PSALMUS LXVI.

Deus misereatur nostri et benedicat nobis : * illuminet vultum suum super nos, et misereatur nostri.
Ut cognoscamus in terra viam tuam : * in omnibus gentibus salutare tuum.
Confiteantur tibi populi Deus : * confiteantur tibi populi omnes.
Lætentur, et exultent gentes : * quoniam judicas populos in æquitate, et gentes in terra dirigis.
Confiteantur tibi populi Deus ; confiteantur tibi populi omnes : * terra dedit fructum suum.
Benedicat nos Deus, Deus noster, benedicat nos Deus : * et metuant eum omnes fines terræ.
Gloria Patri, et Filio, et Spiritui Sancto, etc.

℣. Benedicamus Patrem, et Filium cum Sancto Spiritu.

- ℟. Laudemus et superexaltemus eum in sæcula.
- ℣. Angelis suis Deus mandavit de te.
- ℟. Ut custodiant te in omnibus viis tuis.
- ℣. Domine, exaudi orationem meam.
- ℟. Et clamor meus ad te veniat.
- ℣. Dominus vobiscum. ℟. Et cum spiritu tuo.

OREMUS.

Visita quæsumus, Domine, habitationem istam, et omnes insidias inimici ab ea, et à præsenti famula tua N. longe repelle, et Angeli sancti tui habitent in

ea, qui eam, et ejus prolem in pace custodian : et bene~~ꝑ~~dictio tua sit super eas semper : salva eas omnipotens Deus, et lucem tuam eis concede perpetuam. Per Christum Dominum nostrum. R. Amen.

Et benedictio Dei omnipotentis Pa~~ꝑ~~tris, et Fili, et Spiritus Sancti descendat, et sit super te, et super prolem tuam, et maneat semper. R. Amen.

Iterum illam aqua benedicta aspergat.

BENEDICTIO PRO INFIRMIS.

(Ex Col. P. Sannig.).

Intrando domum dicat :

Pax huic domui et omnibus habitantibus in ea.

℣. Adjutorium nostrum in nomine Domini.

℟. Qui fecit cœlum et terram.

℣. Domine, exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

OREMUS.

Introeat, quæsumus, Domine Jesu-Christe, domum hanc sub nostræ humilitatis ingressu aeterna felicitas, divina prosperitas, serena lætitia, charitas fructuosa, sanitas sempiterna : effugiat ex hoc loco accessus dæmonum, adsint Angeli pacis, domumque hanc deserat effugata discordia ; magnifica, Domine, super nos Nomen sanctum tuum. Bene~~ꝑ~~dic conversationi nostræ, sanctifica humilitatis ingressum ; qui Sanctus et pius